



Broj predmeta: 02-000049/20
Broj akta: 01.1-1149AD-430/20
Datum, 20.11.2020.. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, nakon održane telefonske sjednice Štaba a na prijedlog Kriznog štaba u zdravstvu broj:13/2020 od 20.11.2020. godine, komandant Štaba, gradonačelnik Brčko distrikta BiH dana 20. 11. 2020. godine i z d a j e

N A R E D B U

Član 1.

- (1). Zabranjuje se kretanje osobama na području Brčko distrikta Bosne i Hercegovine u narednih 15 (petnaest) dana u vremenskom periodu od 22.00 do 5.00 sati, počev od nedelje 22.11.2020. godine u 22:00 sata.
- (2). Od stava (1) ovog člana, izuzimaju se svi zaposleni koji vrše službene dužnosti ili su uključeni u provođenje mjera i aktivnosti u vezi s proglašenjem stanja prirodne nesreće zbog korona virusa, kao i zaposleni u pravnim licima u kojima se radi kontinuiteta proizvodnje rad odvija u smjenama.
- (3). Za provođenje ove naredbe zadužuje se Policija Brčko distrikta Bosne i Hercegovine.
- (4). Prema osobama koje se ponašaju suprotno od člana 1. stava (1) ove naredbe, Policija Brčko distrikta Bosne i Hercegovine postupa u skladu sa Zakonom o javnom redu i miru Brčko distrikta BiH.

Član 2.

- (1). Obustavlja se, u narednih narednih 15 (petnaest) dana, nastava u svim osnovnim i srednjim školama na području Brčko distrikta Bosne i Hercegovine.
- (2). Zadužuje se šef Odjeljenja za obrazovanje da u periodu od 15 dana od dana donošenja ove naredbe pripremi i dostavi Štabu za zaštitu i spašavanje Brčko distrikta BiH plan odvijanja nastave na alternativan način.

Član 3.

- (1). Zabranjuje se obavljanje ugostiteljske djelatnosti na području Brčko distrikta BiH u narednih 15 (petnaest) dana.
- (2). Zadužuje se Kancelarija gradonačelnika – Inspektorat da u saradnji sa Policijom Brčko distrikta BiH vrši pojačanu kontrolu poštivanja naredbe iz stava (1) ovog člana.
- (3). Od zabrana obavljanja ugostiteljske djelatnosti iz stava (1) ovog člana izuzima se priprema i dostava hrane uz maksimalne mjere higijene i sigurnosti.

Član 4.

Nalaže se zabrana obavljanja sljedećih djelatnosti na području Brčko distrikta BiH u narednih 15 (petnaest) dana:

- a) rad sportskih kladionica, kockarnica i drugih priređivanja igara na sreću,
- b) teretana, fitnes centara, škole sporta, rekreativne aktivnosti koje se obavljaju u zatvorenom prostoru;
- c) javni gradski prevoz.

Član 5.

- (1). Nalaže se JZU „Zdravstveni centar Brčko“ Brčko distrikt BiH da uvede poseban režim rada u JZU „Zdravstveni centar Brčko“ u smislu obustave rada područnih ambulanti kao u periodu korišćenja godišnjeg odmora.
- (2). Nalaže se Fondu zdravstvenog osiguranja Brčko distrikta BiH, JZU „Zdravstveni centar Brčko“ Brčko distrikt BiH i Odjeljenju za zdravstvo i ostale usluge da razmotre način angažovanja privatnih zdravstvenih ustanova u rješavanju trenutne epidemiološke situacije.

Član 6.

- (1). Zabranjuje se svaki oblik javnog okupljanja uključujući i okupljanje u privatnim objektima na području Brčko distrikta BiH, izuzev članova jednog porodičnog domaćinstva.
- (2). Zadužuje se Policija Brčko distrikta BiH da u saradnji sa Kancelarijom gradonačelnika – Inspektoratom postupa po dospelim prijavama u vezi sa kršenjem naredbe iz stava (1) ovog člana.

Član 7.

- (1). Ograničava se prisustvo do 30 (trideset) lica na vjerskim obredima - sahranama i dženazama na području Brčko distrikta BiH.
- (2). Preporučuje se predstavnicima vjerskih zajednica na području Brčko distrikta BiH da u cilju sprječavanja širenja epidemije izazvane koronavirusom – Covid 19 organizuju i druge vjerske obrede na restriktivan način kako je to bilo utvrđeno ranijim naredbama.

Član 8.

Zadužuje se Direkcija za finansije Brčko distrikta BiH da u roku od 10 dana izvrši analizu naređenih mjera i predloži način finansijskog obeštećenja privrednih subjekata kojima će stupanjem ove naredbe biti onemogućen rada.

Član 9.

Po isteku 10 dana od dana primjene ove naredbe izvršiće se analiza mjera donesenih ovom naredbom.

Član 10.

Ova naredba stupa na snagu 22.11.2020. godine od 22:00 sata, a objavit će se u „Službenom glasniku Brčko distrikta BiH“.

DOSTAVITI:

1. Kancelariji gradonačelnika,
2. Zamjeniku gradonačelnika,
3. Glavnom koordinatoru Vlade Brčko distrikta BiH,
4. Odjeljenju za obrazovanje
5. Svim odjeljenjima Vlade (12x),
6. Kriznom štabu u zdravstvu Brčko distrikta BiH,
7. Kancelariji gradonačelnika / Inspektorat,
8. Sekretarijatu Vlade (3x),
9. Policiji Brčko distrikta BiH,
10. Članovima Štaba (34x),
11. Ministarstvu bezbjednosti BiH – Granična policija BiH,
12. Institucijama Brčko distrikta BiH (8x),
13. Javnim preduzećima, fondovima i Zavodu (7x),
14. „Službenom glasniku Brčko distrikta BiH“,
15. Arhivi.

GRADONAČELNIK

Mr sc. Siniša Milić